

Arkiv	Saksbehandlar	Møtedato	Sak nr.
642.0	Knut Øyjordet	17.04.18	13/18

**ANG. REVIDERING AV FISKEREGLANE***Saksdokument:*

Sakene 8/18 i fjellstyret med vedlegg.

*Saksutgreiing og vurdering:*

I samband med revidering av fiskereglane, vedtok fjellstyret følgjande i sak 8/18:

*I revidering av fiskereglane, foreslår fjellstyret følgjande endringar frå 2018 og inntil vidare:*

- *Oterfiske for utanbygds på Øvre Sjodalsvatnet og Nedre Sjodalsvatnet blir vidareført.*
- *Det blir opna for at ein ved fisking med fastståande reiskap på eit vatn, anten kan fiske på eitt av følgjande vatn i tillegg same natt: Melingen, Surtingen, Veslvatnet, Slomtjønn, Nedre Birisjøtjønn, Birisjøen og Griningsdalsvatnet, eller på to av dei 7 nemnde vatna same natt.*
- *Det blir opna for garnfiske frå 1. juni på Melingen, Surtingen, Veslvatnet og Slomtjønn.*
- *På Surtingen blir det opna for fri maskevidde og auke talet på garn frå 7 til 8 (gjeld innanbygds, krav om minimum 35 mm`s garn i dag).*
- *På Birisjøen blir kravet om å nytte 24 mm`s garn oppheva (gjeld både innan- og utanbygds).*

*Fjellstyret vil også høyre på følgjande forslag til endringar for å kartlegge om det er vesentlege merknader:*

- *Utvide stongfiske sesongen til 10. oktober (25. september i dag).*
- *Utvide tid for garnfiske på Gjende til 5. oktober (25. september i dag).*
- *Utvide tida for dorging og otring på Flatningen, Lemonsjøen og Nedre Sjodalsvatnet til kl. 18 gjeldande for heile august. Tidspunkt for utsetting av garn på desse tre vatna blir da endra frå kl. 16 til kl. 18 (i august).*

*Før endeleg behandling blir forslaget forvarsla på heimesida til fjellstyret og sendt på høyring til kommunen og til Vågå JFF, med høyringsfrist 27. april. Fjellstyret vil arrangere eit ope møte i samband med revidering av fiskereglane, som blir torsdag 12. april kl. 19.00 på kommunestyresalen.*

På det ope møtet den 12. april møtte det 20-25 personar utanom fjellstyret. Under meiningsutvekslinga kom det eit forslag om å flytte tidspunkt for utsetting av garn til kl. 17 på alle vatn, i staden for å utvide til kl. 18 berre for Flatningen, Lemonsjøen og Nedre Sjodalsvatnet. Dette for å ha like reglar, samt at ein da legg meir til rette for dorging og otring på alle vatn gjennom heile sesongen. Inntrykket frå møtet var at dette var eit forslag som fekk brei støtte. Men Gjende og Bessvatnet var nemnd som unntak, altså å nytte kl. 16 som før, fordi det på desse to vatna er lov å øtre i garnfiskeperioden samt at det er lange avstandar.

I og med at kommunen ved HTLN skal behandle forslaget om revidering av fiskereglane den 27. april, bør fjellstyret allereie nå endre på forslaget om tidspunkt for utsetting av garn.

---

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no

**Innstilling til vedtak:**

Ang. revidering av fiskereglane, viser fjellstyret til at på det ope møte den 12. april var det semje blant dei frammøtte om eit forslag på at tidspunkt for utsetting av garn kan bli endra til kl. 17 på alle vatn (kl 16 i dag) gjeldande for heile sesongen, men ikkje for Gjende og Bessvatnet. Fjellstyret tek da ut siste strekpunktet i vedtaket i sak 8/18 (det som gjeld Flatningen, Lemonsjøen og Nedre Sjodalsvatnet) i det som er utsendt på høyring og lagt ut til offentleg ettersyn. Denne endringa som nemnd ovanfor, blir sendt til kommunen og Vågå JFF og elles publisert på heimesida til fjellstyret. Høyringsfristen er som vedteke tidlegare den 27. april.

**Vedtak:**

Samrøystes: Som innstillinga.

*Rett utskrift. Går til:*

Vågå kommune

Vågå JFF v/Bjørn André Lusæter

Vågåmo, 17.04.18

Knut Øyjordet (e.f)

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no